


青城山記



青城山記

光緒廿一年春月
物吉彭氏玉蘭書

序

予家鄴江之北距青城三數十里洞天福地之勝童子時已飫聞之壯日草草一遊遂已厥後南北奔馳思一再往而不可得丁亥夏讀禮家居謝絕人事吾姻蔣君錫藩門人靳生維藩相與訂青城之遊越五日肩輿登山及暮皆會道院俄而驟雨閉門不可以步意甚索然翌日曉鐘方罷旭日射牕爛然紅紫急起命僕扶翼登山歷重岡陟列巘窮高極深直達上清絕頂千巖萬壑獻秀供奇岷江百派亦盈盈在衣帶間二子與道人從予後指點諸山勝蹟

青城山記

序

歷歷可數氣爽神怡如在蓬閭幾不知人世間有此異境也日旣西傾歸休對酌二子曰今日之游樂乎予曰然惜不得古人所爲甲記乙記者一一從而証之良爲憾事二子曰文獻不足獻逆之罪也守缺抱殘儒生之咎也彼羅浮匡廬崆峒五臺皆各有志又往往出自鄉人青城爲神仙都會雅與諸山匹敵聽其就淹甯非吾黨之過耶予曰多見而識賢者事也得十一而遺千百不重貽山靈羞乎二子曰否否天地之化往者過來者續前賢之廢墜賴今日補之今日之缺遺後世胡能聽之又安見大雅之不復



作耶予聞而善焉歸止做廬檢閱羣籍就所見錄爲一冊
名曰青城山記聊存梗概云耳若云揚洞天之勝搜福地
之奇烏乎敢

光緒丁亥蒲月望後二日鄰江漁子彭洵叙於種書堂

青城山記

序

二

青城山記目錄

第一卷

原始記

四至記

諸山記

宮觀記

古蹟記

第二卷

事實記上

青城山記

目錄

隱逸

事實記下

方技

青城山拾遺

青城逸事

青城山記卷上

鄒江彭洵編輯

及門諸子校刊

原始記

青城山者灌之南山也地濱大河以西帶江背郭綿延不下百里元和志謂在青城縣西北三十里寰宇記謂在青城縣西北三十二里是也自三皇時甯封棲真黃帝問道青城之名遂著迨漢天師張道陵斬草除溷講授丹經白日冲舉青城於是益顯雖羽衣清脩棲遲岩穴後先不可

青城山記

卷上

原始記

一

殫述而青城之名播諸冊籍艷稱無窮道書云青城爲神仙都會福地記云上有沒溺池甘露芝草玉匱經云此第五大洞寶仙九室之天黃帝所拜奉爲五岳丈人黃帝刻石拜謁纂書猶存天師立青城治於中五岳真形圖云青城洞天所在其下別有日月分精所照御覽云黃帝遍歷五岳封青城山爲五岳丈人第五大洞寶仙九室之天連峯掩映互相連接靈仙所宅靈異甚多名山洞天福地記云第五洞天周迴二千里名寶仙九室之天唐六典劍南道名山之一曰青城枕中記云鬼谷先生爲太元師治青

城山方輿勝覽謂青城一名赤城又名青城都陸放翁亦云青城一名赤城杜光庭云岷山連峯接岫千里不絕青城爲第一峯山有七十二小洞應七十二候八大洞應八節輿地記勝云青城八大洞一太乙二九仙寶室三娑羅四高臺玉寶五麻姑六寶園七聖母八都督漁洋山人云青城有山市當天清氣朗一望皆城郭都市瓦屋螺青車馬人影往來絡繹甫詫異間移時隱滅此固青城之大較也古人之記載眾矣若邱壑之奇壇廟之盛高人逸士之廣方外技術之繁又豈區區者所能盡哉唐錢起有青城

青城山記

卷上

原始記

二

山送楊杜二郎中赴蜀軍歌云蜀山西南千萬重仙經最

碧遠歷幾眉吞劍壁錦屏雲起易成霞玉洞花明不知夕
星臺二妙逐王師阮瑤軍書王祭詩日落猿聲連玉壘晴
來山翠傍旌旗綠蘿春月營門近知君對酒遙相思宋趙
忬有謁青城山詩云背琴負酒上青城雲爲開收月爲明
觀宿有詩招主簿盧仝無分見先生牆畱古畫仙姿合石
載奇文俗眼驚都念吾鄉山亦好十年孤負爛柯行范成
大再題青城山詩云萬里清遊不厭瀟雙旗換得一枝筇
來從井絡直西路上到江源第一峯海內閒身輸我逸山
中佳氣爲人濃題詩試刻巖前石付與他年薛暈重國
朝王士正望青城山詩云雲氣連西域名山仰漢標千秋
軒帝跡每夜岳靈朝玉宇峻丹壑神燈下碧霄丈人一招
手天路未應遙顧光旭游青城山詩云子美遊青城題詩
作五字五字何足多青城覺靈異我來遊青城白雲暫畱
憇未暇更題詩復恐礙雲意偶然咳唾落九天不曾點著
過江指青城江村一灣綠踏沙去洲渚岸行入林麓樹密

靜行人林深鳥側目一坪淺草地十丈古喬木四圍佐濃
陰數點漏初旭便可席其間樹裏微風出一坐訂終日蟬
聲聞斷續未到六六峯先此忘塵躅又青城雜詩云關風
伏雨過青城洞裏琳官少送迎隔斷乾坤支杖影岩搖日
遊月入鍾聲六時巖畔聽殘偈三素雲中謁上清五月騎驢
到青城意欲顛悠悠天地浩無邊今神仙弱水三千里世界
空花四十年前古有懷皆渺矣後今相識總茫然任他大
夢終朝醉風月從來不愛錢邑宰王夢庚遊青城詩云傑
閣崔巍倚上清清宵餘味步虛聲峯圍仙磬深難散月避
神燈遠愈明坐久風前添鶴筆更殘天上聽雞鳴何當絕
頂凌霄漢來試猴山于晉笙查禮遙見青城欲遊不果詩
云青城近接岷山南層嶺疊嶂浮蒼嵐舊稱八福地列第五
芝草瑤花春長探前爲赤城後大面天國丈八名屢變樹
叢石古老怪生叻夜煌煌聖燈現上蘊天倉三十大峯青
峯峯插雲多奇形別開窾窾八大洞符合八節潛通靈小
洞周圍七十二數應候氣見神異羣仙翱翔宅九區杜甫
登之不敢唾其地我茲移家官江源林巒傍我搖青痕修
途未暇陟崇嶺短歎長哦鑿山影待約他時雨霽初提壺
獨徃尋幽境吳勤惠公棠西巡望青城山詩云蘿衣蘇磴
簇雲屏卅六高峯石氣清懸澍
卽爲天下雨不須丹竈叩仙靈

青城山記

卷上

原始記

二

四至記

洞天福地記云青城周迴二千餘里是山勢綿延不可紀
極第就域內所常遊者舉之西至大面山山後老人村諸
山概歸縣記南至太安山東至香積寺山北則山麓數十里胥屬平疇

諸山記

青城之山最高而最上者爲大面山一名趙公山因
趙昱隱此而名潛確類書云大面山爲七十二福地之一羅真人所居輿地紀

勝云在三溪之北高七十二里蓋其地山勢陡峻雲霧時
隱下視羣峰兒孫羅列每春冬積雪封逕如銀海玉山人
踪罕到惟虎豹之跡時出入耳凡遊者皆以盛夏新秋天
清氣暖窮數日力方可登陟瞻眺過此則不可往云由大
面山北趨而漸低者爲

大坪山幽杳高曠樹茂林深登大面者必經之道東去爲
老君巖巖有老君廟山因以名又東爲

三台山又東爲

挖斷山前明萬厯間謂山中有王氣令鑿斷之故名又東
青城山記

卷上

諸山記

四

少南爲臥牛山古名石梯山又名伏牛山有異花芝草食
之可以長生見輿地紀勝再東爲
大牛心山少北爲

小牛心山又名端翠山輿地紀勝云獨立雲中諸峯不接
上有石池爲仙人藏劍之所又東爲

登龍山卽古龍門山一名石峯山又名看花山危橋相向
若層門然中峯有紅躑躅花陰靄數步遂改名看花山宋
馮山人隱於三溪路牛心山前看花山後當卽此少北爲
鳳凰山山產麩金居人多因以富然亦易爲地方擾累東

北則爲橫山一嶺橫出上下皆平疇過此盡陸地矣由大面山直東爲

八卦台卽古壓月山輿地紀勝云山在青城縣西晉朝置上皇觀於上上有桂木名花靈芝仙草李阿常游是八卦台卽古壓月山也杜光庭記云青城山八大洞應八卦以通八水其中五大洞上應列星之宮瑤林寶樹金沙玉田水清而甘草靈而秀八卦之名殆由此歟輿地紀勝云成都山爲青城案山前臨麻姑洞深不可測舊志云青城道宮丈人上清爲最餘皆在山麓五里至上清宮又至成都

青城山記

卷上

諸山記

五

山則爲半山至大面則爲巔以此考之八卦臺似卽成都山仙人洞卽麻姑洞然無確指不敢遽定再東爲

王婆崖崖中有淳熙四年趙真修路八字是宋時已多遊者崖有龍洞石定江水入之聲若雷鳴東下卽滴水崖懸溜數十丈清涼可飲按王象之云龍居溪在成都山下衆谷之水皆注其中懸流九十尺下有龍洞殆卽此水歟存之以俟博雅東下爲

龍滾邊俗名羅鍋扁卽龍洞水出口處過此亦盡平陸矣由大面山南趨爲

通靈溝俗名偷營溝以獻逆自此入破太安寺故也再南爲

長坪山輿地紀勝云山在味江之上昔杜宇與居人避水其上城壘居第往往尚在有太安寺寺門蓋花坪老澤路也又方輿勝覽云長坪山捫蘿而上鳥道三十里爲牡丹坪殆卽此歟再南爲

沙坪山當卽古花坪又古寶唐山產佳茶明楊慎和章水部茶歌跋云往年在館閣陸子淵謂沙坪茶信絕品何無稱於古余曰毛文錫茶譜云玉壘關寶唐山有茶樹懸崖

青城山記

卷上

諸山記

六

而生筍長三寸五寸始得一葉兩葉晉張景陽成都白兔樓詩云芳茶冠六清逸味播九區此非沙坪茶之始乎據

此則沙坪之山又卽寶唐山矣詩云

玉壘之關寶唐山丹危翠險不可攀上有

沙坪寸金地瑞草之魁生其間芳芽春茁金鴉觜紫筍時抽錦豹斑相如凡將名最的譜之重見毛文錫洛下盧仝未得嘗吳中陸羽可曾覓逸味盛誇張景陽白兔樓前錦里旁貯之玉盃薔薇水擬以帝臺甘露漿餅聚龍雲分麝月蘇蘭薪桂清芬發參隅迢遞渺天涯玉食何由獻金闕君作茶歌如作史不獨品茶兼品士西南測陋阻明陽官府神仙多蔽美君不聞夜光明月投人由通靈溝東趨爲按劍嗔又不聞擁腫蟠木先容爲上珍

馬蝗岡岡下爲碁盤石相傳古仙人對奕處北趨爲

木魚山又北爲

錢子山青烏家謂爲青城翊衛由馬蝗岡北折而東爲第一峯卽古高臺山也高峯秀出襟帶諸山水村山郭一覽無際山有聖燈每晴霽光焰熊熊飛行各嶺仍還舊處而滅吳船錄云岷山數百峯悉在檻欄下如翠浪起伏勢皆東傾夜有燈出四山以千百數謂之聖燈說者多不決或云古人藏丹之光或云草木之靈亦有光或又謂神龍山鬼所作其深信者則謂仙聖所設化也由第一峯南趨蒼翠萬狀者爲

三十六峯卽古之天倉山也輿地紀勝云在延慶觀南連

青城山記

卷上

諸山記

七

崖隱軫爲三十六倉神仙密藏金石異寶米鹽雜貨於中又云諸峯屹然有三十六每峯各有一洞杜廣成云前十八曰陽峯後十八曰陰峯宋呂大防詩云天倉三十六寨擁翠微間晁公邁詩天公夜半剪冰花三十六峯如玉立卽此南折而東爲涼風頂又東爲

禪師崖崖爲入山險隘有一夫當關之勢明季太安寺僧了空鑑隨率衆禦賊觸崖死難鄉人義之繪像崖間以祀今山民婚喪凡鼓吹過境必祭而後可行蓋英靈所致云再東爲

筆架山峯巒數曲因形賦名再東爲

香積山輿地紀勝云山寺前有瀑布有鷄骨禪師塔山有頂名孤鶴形勢孤峭矯若鶴立故絡繹而下岡巒競秀鬱怡人幽溪曲逕隔絕塵寰又復別有天地由第一峯而北爲

丈人山范成大謂至上清宮下視丈人峯直牆堵耳卽此

唐岑參有青城丈人峯詩云

五岳之丈人西望青霄雲開露崖嶠百里見石稜龍溪

盤中峯上有蓮華僧絕頂小蘭若四時嵐氣凝身同雲虛無心與谿清澄誦戒龍每聽賦詩人則稱杉風吹袈裟石壁懸孤燈久欲謝微祿誓將歸大乘願聞開士說庶以心相應丈人之南爲

青城山記

卷上

諸山記

八

鬼城山俗名月城山錄異記云王蜀王子歲七月十三日

青城鬼城山滯雨崖崩暴雨大至在丈人觀後高百餘丈殿當其下將憂摧壞俄墜石如岸偃水向東竟免漂陷觀中嘗苦汲自此暴雨出處流泉直注厨內其味甘香冬夏不絕丈人東南爲

元真山輿地紀勝云在丈人觀前上有神草如稻苗食者昇仙東北爲

飛赴山方輿勝覽謂飛赴寺在青城飛赴山下者是也從此徑趨平原矣由第一峯而東爲

混元頂三峯特起駢羅鼎峙狀若覆釜蔥翠離奇第三頂下爲

天師洞洞在峭壁間崇竦千尋直下如削檐檻飛空下視股栗洞口羣山若拱若揖浮嵐空翠盡在襟袖山外青疇綠野歷歷在目洞中有天師像開元御勅碑西漚李愷有憶青城天師洞舊遊詩云十二樓高接玉京四無人影四無聲爐邊斜倚栢燈坐醉後倒拖藜杖行大雪封山惟一白寒潭受月恰雙清茫茫此境何由再夢入松關路亦生洞北綿亘東趨者爲

龍居山俗名青龍岡一名排坊岡再東爲

青城山記

卷上

諸山記

九

太平山一名藥王山山趾卽太平場市聚也洞南爲偏橋橋當兩崖中斷下臨深溪一落千丈細逕如線僅支一木蟻附而行游者輒止今已鑿山通道作天然橋翼以石欄坦夷無碍度橋而南爲

祖師殿爲

軒轅頂卽甯封棲真黃帝問道之處舊有軒皇臺今廢又南爲

擲筆槽槽深數十丈自南而北直達偏橋不下里許按王象之碑目云天師戒鬼筆迹深一十三丈濶三十丈在大

龍橋側名勝志云龍橋處兩峯之間相去百餘步峯巒危
竦橋在峯半漸促漸小可五六寸長一丈五尺兩岸懸崖
俯臨不測山傍有誓鬼石天師與鬼兵爲誓朱筆畫山青
崖中斷今斷處石並丹色據此則大龍橋卽今之偏橋朱
筆所畫之青崖卽今之擲筆槽也南折而東爲
白雲溪乃文潞公爲張俞置宅處又東爲

乾元山錄異記云乾元之南六十餘里地名東柱西柱眾
山連接峯巒秀異又云東有數峯峭拔一峰最高云是蒲
仙上昇之所是乾元之名又最古矣再東爲

青城山記

卷上

諸山記

十

三獅山重岡秀出狀若伏獅橫截南下諸山別具意態青
烏家謂所以鎮水口也蓋青城諸山以大面爲祖高臺爲
樞天師洞爲中主羣山環衛空翠四合每春融日麗朝烟
漠濛樹色山光狀若城郭圍繞空際故曰青城云

宮觀記

青城爲古今名勝宮觀綦多滄桑屢變興廢迭更不能備
舉第就所存與可考者書之在大面山之腹者曰
慶雲寺寺最古相傳爲明初建人踪罕到未經親歷恐猶
未確蓋青城宮觀晉唐所建者多也在八卦臺者六一曰

上皇觀蜀志補罅謂卽古元真觀建自晉神芝異草嘉樹

名花多產於此芝草如稻苗食之可仙唐章孝標詩云烟霞

星蓋七星旛想像先朝駐禁鑿輦路已平栽藥地皇風猶在步虛壇樓臺瑞氣晴蕭索杉檜龍身老屈蟠翻感惠休

并李郭劍門空處望長安國朝黃廉訪雲鶴有詩云散吏何緣謁上皇仙山有處近高蒼雨添崖翠迎眉潤風逗

溪聲引興長萬木陰濃宜避暑双杉年久自生香闕蓋謂

元宗幸蜀時曾遊此也其五則曰青皇觀曰中上皇觀

曰文昌宮曰真武觀在三台山者一曰東嶽廟在

龍滾邊者二曰上元宮曰青山寺在鳳凰山者二曰

禹王廟曰迴龍寺在木魚山者三曰天真觀曰圓

青城山記 卷上 宮觀記 士

明宮曰白雲觀在餃子山者三曰九泉菴曰九龍

菴曰樂靜菴在三台山者一曰沈家菴在太安山者

一曰太安寺相傳寺始自唐明代復振樓殿之盛甲於

青城獻逆之亂燬於火今猶有嘉靖間古鐘記至正及成

化諸年復建事在沙坪者一曰郭家菴在頓子崖者一

曰白馬廟在乾元山者一曰黑虎觀在龍居山者三

曰石筍堂曰龍居菴曰飛仙觀國朝許水南儒

龍有緣溪赴常道觀飛仙觀詩云連峯忽中開奔峭亦已了斷壁夾溪深危磴出

林杪曲折緣蒼崖迢遞穿叢篠一涯地偃仄十里天線繞夕景翳藤蘿茫茫失昏曉路窮見仙都朱閣懸縹緲前登

但過雲俯瞰出飛鳥初驚物象幽坐使塵跡少茲在孤鶴
遊偶然遂已爲來者肇誰歟知我心窺擔山月皎

頂下者一曰 香積寺卽古靈巖寺輿地紀勝云靈巖寺
在香積山寺前有鷄骨禪師塔又云禪師西魏時來青城
山嗜食鷄今有塔在香積寺是香積之名宋已盛傳矣在
丈人山之陰者曰 丈人觀在丈人山之陽鬼城山之東
者曰 建福宮按吳船錄云丈人峯下五峯峻峙如屏觀
之臺殿上至岩腹丈人自唐以來號五岳丈人儲福定命
真君傳記畧云丈人姓甯名封黃帝問龍躡飛行之道今
賜名會慶建福宮是丈人觀之爲建福宮實自宋始舊志

青城山記

卷上

宮觀記

七

云青城山有丈人觀丈人行宮據此則今之建福宮乃古
丈人觀今之丈人觀乃丈人行宮也青城甲記云黃帝封
青城山爲五岳丈人乃岳瀆上司真仙崇秩一月之內羣
岳再朝晉代置觀焉續博物志云青城縣歲春秋以蔬饌
饗丈人山令躬行禮蓋蜀之望山也錄異記亦云司馬承
禎奏元宗云名山岳瀆血食之神以主祭祀太上慮其妄
有威福以害蒸黎分命上真監蒞川岳有五嶽真君有青
城丈人爲五嶽之長彈糾萬神各置廟以齋食爲饗王蜀
咸康元年王衍嘗奉太后太妃同禱青城游丈人觀謁建